



Broj/Број: 01/2a-50-1-2-44/09  
Sarajevo/Сарајево, 28.5.2009.godine

## ZAPISNIK

### 44. sjednice Komisije za vanjske poslove Predstavničkog doma Parlamentarne skupštine BiH, održane 25.5. 2009.

Sjednica Komisije počela je u 12 sati. Sjednici su prisustvovali članovi Komisije: Slavko Matić, Azra Hadžiahmetović, Milica Marković, Husein Nanić, Azra Alajbegović i Sefer Halilović.

Osim članova Komisije, sjednici su prisustvovali: Draženka Malićbegović iz Ministarstva civilnih poslova BiH, Bejta Ramović iz Ministarstva finansija i trezora BiH, Zoran Perković i Amra Kosović iz Ministarstva vanjskih poslova BiH i Igor Bunić, savjetnik zamjenika predsjedavajućeg Predstavničkog doma Milorada Živkovića.

Zapisnik su vodili Merdžana Iglica, sekretar Komisije za vanjske poslove, i Miroslav Stanišić, stručni suradnik u Komisije za vanjske poslove.

Za 44. sjednicu Komisije za vanjske poslove jednoglasno je usvojen sljedeći

## DNEVNI RED

1. Usvajanje Zapisnika 43. sjednice Komisije;
2. Davanje mišljenja o saglasnosti za ratificiranje:
  - a) Međunarodnih zdravstvenih propisa (2005.) (resorno ministarstvo: Ministarstvo civilnih poslova BiH);
  - b) Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Zentralbank Österreich Aktiengesellschaft – *Razvoj sistema vodosnabdijevanja u općini Livno* (resorno ministarstvo: Ministarstvo finansija i trezora BiH);
3. Prijedlog zakona o postupku zaključivanja i izvršavanja međunarodnih ugovora (amandmanska faza);
4. Izvještaja i materijali pristigli na Komisiju:
  - Izvještaj sa zimskog zasjedanja Parlamentarne skupštine OSCE-a Beč, 19. i 20. 2. 2009.;
  - Izvještaj s Regionalne konferencije – Uloga parlamenata u podsticanju konkurentnosti i privrednog rasta kroz unapređenje poslovnog okruženja u zemljama zapadnog Balkana, Beograd, 6.i 7. 3. 2009.

### **Ad.1. Usvajanje Zapisnika 43. sjednice Komisije**

Nije bilo primjedbi i članovi Komisije jednoglasno su usvojili Zapisnik 43. sjednice Komisije za vanjske poslove.

### **Ad. 2. a) Davanje mišljenja o saglasnosti za ratificiranje Međunarodnih zdravstvenih propisa (2005.)**

Zoran Perković iz Ministarstva vanjskih poslova BiH je na početku kazao da je za oba sporazuma ispoštovana sva zakonska procedura u cijelosti.

Draženka Malićbegović iz Ministarstva civilnih poslova BiH kazala je da je na 54. sjednici Predsjedništva BiH donesena odluka o prihvatanju Međunarodnih zdravstvenih propisa. U skladu s tim Ministarstvo civilnih poslova BiH dostavilo je Ministarstvu vanjskih poslova BiH zahtjev za ratifikaciju i objavljivanje. Ovi međunarodni propisi revidirani su 2005. godine i u skladu s potpisanim memorandumom između Ministarstva civilnih poslova BiH i Svjetske zdravstvene organizacije pokrenuta je procedura prihvatanja. Ovim propisima regulira se formiranje fokal grupa u BiH i preuzimanje propisa u slučaju vanredne situacije.

Nije bilo rasprave i članovi Komisije jednoglasno su dali pozitivno mišljenje Predstavničkom domu u vezi s ratifikacijom Međunarodnih zdravstvenih propisa.

### **Ad. 2. b) Davanje mišljenja o saglasnosti za ratificiranje Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Zentralbank Österreich Aktiengesellschaft – *Razvoj sistema vodosnabdijevanja u općini Livno***

Bejta Ramović iz Ministarstva finansija i trezora BiH kazala je da se ovdje radi o još jednom sporazumu koji proizilazi iz okvirne finansijske saradnje s Republikom Austrijom i amandmanom koji je zaključen u 2008. godini. Ukupan iznos kredita je 3 miliona i 512 hiljada eura, kamate nema, s maržom je 1.16 odsto godišnje. Grejs period je tri godine, a rok otplate je 12 godina. Dodala je da je u državi obveznik povratka kredita općina Livno uz garanciju kantona.

Nije bilo rasprave i članovi Komisije su, s četiri glasa „za“ i jednim „suzdržanim“, dali pozitivno mišljenje Predstavničkom domu u vezi s ratifikacijom ovog sporazuma.

### **Ad. 3. Prijedlog zakona o postupku zaključivanja i izvršavanja međunarodnih ugovora (amandmanska faza)**

Slavko Matić je na početku kazao da su on i Milorad Živković dostavili amandmane na Prijedlog zakona o postupku zaključivanja i izvršavanja međunarodnih ugovora.

Milica Marković kazala je da je Živković dostavio sedam amandmana, da se 1. i 2. amandman odnose na određene nadležnosti i kompetencije koje imaju entiteti, a koje su predviđene Ustavom BiH i u zakonu su izostavljene. Ovim amandmanima želi se samo to pojasniti da bi Zakon bio kompatibilan s odredbama Ustava. Ostali amandmani pojašnjavaju smisao članova na koje se odnose i određene lingvističke intervencije kao i amandman 7. koji ima svoje

obrazloženje. Dodala je da klub SNSD-a cijeni da su ovo važni amandmani i da bi bilo korisno da oni budu prihvaćeni i ugrađeni u Prijedlog zakona.

Slavko Matić kazao je da je poticaj za njegov amandman došao iz Ministarstva finansija i trezora BiH, te da se tiče skraćanja rokova i procedure te što bržeg davanja saglasnosti.

Konstatirano je da su 7. amandman Živkovića i amandman Matića identični.

Zoran Perković iz Ministarstva vanjskih poslova BiH kazao je da je Ministarstvo vanjskih poslova BiH analiziralo svaki predloženi amandman i da su 1. i 3. amandman Živkovića prihvatljivi za Ministarstvo vanjskih poslova BiH, a da ostali nisu prihvatljivi.

Članovi Komisije su nakon toga jednoglasno prihvatili 1. i 3. amandman Milorada Živkovića.

U raspravi o ostalim amandmanima učestvovali su: Zoran Perković iz MVP-a, članovi Komisije Slavko Matić, Milica Marković, Husein Nanić, Azra Alajbegović, Igor Bunić savjetnik Živkovića, i Bejta Ramović iz Ministarstva finansija i trezora BiH.

- 2. amandman Živkovića, s jednim glasom „za“, jednim glasom „protiv“ i tri „suzdržana“ glasa, nije prihvaćen.
- 4. amandman Živkovića, s jednim glasom „za“, dva glasa „protiv“ i dva „suzdržana“ glasa, nije prihvaćen.
- 5. amandman Živkovića, s jednim glasom „za“, tri glasa „protiv“ i jednim „suzdržanim“ glasom, nije prihvaćen.
- 6. amandman Živkovića, s dva glasa „za“ i tri glasa „protiv“, nije prihvaćen.
- 7. amandman Živkovića, koji je identičan amandmanu Matića, prihvaćen je jednoglasno, s pet glasova „za“.

Nakon glasanja o amandmanima članovi Komisije dali su pozitivno mišljenje o Prijedlogu zakona o postupku zaključivanja i izvršavanja međunarodnih ugovora u drugom čitanju s tri prihvaćena amandmana, s četiri glasa „za“ i jednim glasom „protiv“.

#### **Ad. 4. Izvještaji i materijali pristigli na Komisiju**

Sekretar Komisije Merdžana Iglica upoznala je članove Komisije s nastavkom okruglog stola o poboljšanju ispunjavanja vojno-političkih obaveza BiH u kontekstu UN-a i OSCE-a koji je započet na Ilidži. Nastavak Okruglog stola je na Jahorini 1. i 2. juna 2009.

Članovi Komisije usaglasili su se da delegaciju prilikom posjete Švicarskoj 29. i 30. 6. 2009. godine čine Slavko Matić, Milorad Živković i jedan bošnjački član Komisije.

Članovi Komisije primili su k znanju ostale informacije i izvještaje.

Sjednica je završena u 13,30 sati.

Zapisnik sačinio:

Miroslav Stanišić, stručni saradnik u Komisiji za vanjske poslove.

Sekretar Komisije

Merdžana Iglica

Kopija MVP-u BiH

Predsjedavajući Komisije

Slavko Matić